

CONCELLERÍA
DE
FOMENTOCONCELLO
DE VIGO**ASUNTO:**

INFORME DE VALORACIÓN DAS OFERTA TÉCNICAS PRESENTADAS O PROCEDEMENTO ABERTO PARA A CONTRATACIÓN DO EXPEDIENTE 12659/445. LOTE 1: TURISMOS E FURGONETAS

DESTINATARIO: MESA DE CONTRATACIÓN - CONCELLO DE VIGO

Remítese dende a Mesa de Contratación do Concello de Vigo, para valoración das ofertas técnicas aceptadas para a licitación do expediente de contratación do "SERVIZO DE REPARACIÓN DA FLOTA DE VEHÍCULOS DO CONCELLO DE VIGO INCLUÍNDO O SUBMINISTRO DOS REPOSTOS NECESARIO. LOTE 1 TURISMOS E FURGONETAS"

Para a valoración das ofertas técnicas emítese o presente informe atendendo ó prego das cláusulas administrativas particulares de acordo cos seguintes apartados:

1.- Ofertas aceptadas pola Mesa de Contratación:

A mesa de contratación, en sesión de 08/01/2018, solicitou informe da Área de Fomento en relación co sobre B "proposición avaliable sobre xuízo de valor" dos licitadores presentados e admitidos no procedemento de referencia.

Para o Lote 1: "Turismos e furgonetas" as empresas admitidas a licitación foron a seguintes:

Empresas admitidas a licitación
DISTRIBUCIONES SALRUBBER S.L.
TALLERES FONTÁN S.L.

2.- Criterios avaliables mediante xuízo de valor:

Para a realización do presente informe de valoración dos criterios avaliables mediante xuízo de valor das ofertas presentadas, e segundo o contido do prego de cláusulas administrativas particulares que rexe o presente expediente de contratación, debemos referirnos ó recollido no apartado 8 da "FOLLA DE CARACTERÍSTICAS DO CONTRATO (FEC)" e de forma específica sobre o apartado "A" en relación os criterios avaliables mediante xuízo de valor que son os seguintes:

A) CRITERIOS AVAILABLES MEDIANTE XUÍZO DE VALOR:

CONCELLERÍA
DE
FOMENTO

CONCELLO
DE VIGO



Os criterios avaliados mediante xuízo de valor terán unha puntuación máxima de **20 puntos**.

A.1.- Memoria técnica da proposta organizativa para o desenvolvemento do obxecto do contrato: valorarase con ata 20 puntos

A puntuación distribuirase nos seguintes apartados:

- a) **Descrición analítica e detallada dos procedementos a desenvolver na execución dos servizos derivados deste contrato:** valorarase con ata **4 puntos**
- b) **Descrición e relación dos medios materiais propostos para o desenvolvemento dos servizos derivados deste contrato:** valorarase con ata **4 puntos**
- c) **Descrición da organización e medios humanos destinados á execución dos servizos derivados deste contrato:** valorarase con ata **4 puntos**
- d) **Descrición analítica e detallada dos procedementos a desenvolver para o desenvolvemento das obrigas derivadas do subministro de materiais:** valorarase con ata **4 puntos**
- e) **Medidas propostas para controlar e garantir a calidade dos traballos a executar, e indicación dos certificados de calidade e homologacións dos distintos tipos de traballo:** valorarase con ata **4 puntos**

A puntuación deste criterio será outorgada seguindo as seguintes regras:

1. Outorgarase a máxima puntuación fixada para a valoración da MEMORIA TÉCNICA DA PROPOSTA ORGANIZATIVA PARA O DESENVOLVEMENTO DO OBXECTO DO CONTRATO, cando se atope desenvolta cun alto grao de detalle sobre os contidos indicados e cunha análise específica, coherente e idónea coa proposta e con representación gráfica adecuada.
2. Descontarase da puntuación máxima prevista para a memoria, a metade do porcentaxe indicada en cada contido, por cada un de estes que non conteña unha adecuada información gráfica, ou tamén cando o desenvolvemento do contido teña un escaso desenvolvemento.
3. Descontarase da puntuación máxima prevista para a memoria, a porcentaxe indicada en cada contido, por cada un de estes cando o desenvolvemento da proposta para o contido, non sexa adecuada ou coherente co obxecto do apartado a avaliar.
4. A puntuación será de 0 (cero) puntos, cando a proposta desenvolta no contido a avaliar, conteña aspectos contraditorios internos ou en relación co obxecto do contrato, ou non recolla ningunha achega a maiores das establecidas no propio PPTP que define as obrigas para a execución do





obxecto do contrato.

Cando a documentación do criterio non cumpra cos requisitos de tamaño de arquivo máximo, nº de follas máximas descritas ou arquivo único, procederase á súa valoración técnica pero a puntuación será a metade dos puntos asignados ao criterio.

3.- Valoración das ofertas:

3.	Oferta presentada por: DISTRIBUCIONES SALRUBBER, S.L.
1.	

Valoración do apartado a) Descrición analítica e detallada dos procedementos a desenvolver na execución dos servizos derivados deste contrato (puntuación máxima 4 puntos)

Na documentación presentada neste apartado obsérvase unha descrición detallada do sistema propio desa empresa para o mantemento de vehículos tanto de particulares como dunha flota. Non se describe, sen embargo, o método de traballo para casos de reparacións ou avarías aparte das definidas como mantementos correctivos ou preventivos.

Considérase que neste caso o desenvolvemento do contido non é completo e polo tanto corresponde minorar a metade da porcentaxe máxima.
PUNTUACIÓN: 2 PUNTOS

Valoración do apartado b) Descrición e relación dos medios materias propostos para o desenvolvemento dos servizos derivados deste contrato (puntuación máxima 4 puntos)

Na descrición que se presenta indican catro talleres dispostos para atender "adecuadamente ao contrato". Pero non se detallan equipamentos nin disposición dos mesmos nos talleres correspondentes. Tampouco se aportan planos axeitados das instalacións.

Considérase que neste caso o desenvolvemento do contido non é completo e polo tanto corresponde minorar a metade da porcentaxe máxima.
PUNTUACIÓN: 2 PUNTOS

Valoración do apartado c) Descrición da organización e medios humanos destinados á execución dos servizos derivados deste contrato (puntuación máxima 4 puntos)





Neste apartado non se aportan datos do persoal destinado a garantir a execución dos traballos que xera este Contrato. Ademais, non se aportan horarios de traballo nin do persoal nin das instalacións.

Considérase que neste caso o a información achegada non é adecuada para o obxecto do apartado a avaliar e polo tanto corresponde minorar a porcentaxe completa. **PUNTUACIÓN: 0 PUNTOS**

Valoración do apartado d) Descrición analítica e detallada dos procedementos a desenvolver para o desenvolvemento das obrigas derivadas do subministro de materiais (puntuación máxima 4 puntos)

En canto ao proceso de subministro de pezas, descríbese un proceso xenérico de forma axeitada, facendo referencia aos tempos de subministro e a disposición do stock.

Considérase que neste caso o a información achegada dispón dun gado suficiente de detalle nos contidos solicitados. **PUNTUACIÓN: 4 PUNTOS**

Valoración do apartado e) Medidas propostas para controlar e garantir a calidade dos traballos a executar, e indicación dos certificados de calidade e homologacións dos distintos tipos de traballo (puntuación máxima 4 puntos)

As solucións que se aportan neste apartado son excesivamente pobres. Non se achegan homologacións nin certificados de calidade dos procesos de traballo

Considérase que neste caso o a información achegada non é minimamente suficiente. **PUNTUACIÓN: 0 PUNTOS**

3.	Oferta presentada por: TALLERES FONTÁN, S.L.
2.	

Valoración do apartado a) Descrición analítica e detallada dos procedementos a desenvolver na execución dos servizos derivados deste contrato (puntuación máxima 4 puntos)

Na documentación presentada para este apartado descríbese un método de traballo correcto pero xenérico. Non se detallan as distintas posibilidades de traballo que se propoñen: traballos mecánicos, eléctricos, chapa, pintura ...





Considérase que neste caso o desenvolvemento do contido non é completo e polo tanto corresponde minorar a metade da porcentaxe máxima.
PUNTUACIÓN: 2 PUNTOS

Valoración do apartado b) Descrición e relación dos medios materiais propostos para o desenvolvemento dos servizos derivados deste contrato (puntuación máxima 4 puntos)

A descrición do equipamento do taller e detallada. Apórtanse planos das instalacións que permiten avaliar a disposición de equipos e maquinaria.

Considérase que neste caso o contido atópase desenvolto con alto grado de detalle e a representación gráfica é adecuada. **PUNTUACIÓN: 4 PUNTOS**

Valoración do apartado c) Descrición da organización e medios humanos destinados á execución dos servizos derivados deste contrato (puntuación máxima 4 puntos)

Para este apartado fácese un listado do equipo de persoas que compoñen a plantilla da empresa. Sen embargo, non se aporta información que especifique os operarios destinados a cada tarefa. Non se especifica tampouco os horarios de traballo do persoal nin do taller.

Considérase que neste caso o desenvolvemento do contido non é completo e polo tanto corresponde minorar a metade da porcentaxe máxima.
PUNTUACIÓN: 2 PUNTOS

Valoración do apartado d) Descrición analítica e detallada dos procedementos a desenvolver para o desenvolvemento das obrigas derivadas do subministro de materiais (puntuación máxima 4 puntos)

A descrición do método de subministro de materiais é concisa e conforme ao solicitado. Infórmase do método, dos tempos de resposta e da existencia de almacén para materiais.

Considérase que neste caso o a información achegada dispón dun grado suficiente de detalle nos contidos solicitados. **PUNTUACIÓN: 4 PUNTOS**

Valoración do apartado e) Medidas propostas para controlar e garantir a calidade dos traballos a executar, e indicación dos certificados de calidade e homologacións dos distintos tipos de traballo (puntuación máxima 4 puntos)





A referencia ao control de calidade na memoria e excesivamente xenérica e non aportan medidas concretas a aplicar en cada caso. Non se achegan homologacións nin certificados de calidade dos procesos de traballo

Considérase que neste caso o a información achegada non é minimamente suficiente. **PUNTUACIÓN: 0 PUNTOS**

4.- RESUMEN DAS PUNTUACIÓNS:

1.- A Memoria Técnica da proposta organizativa para o desenvolvemento do Contrato terá unha puntuación máxima de **20 puntos**

De acordo coas valoración realizadas o resumen das puntuacións son:

Empresas admitidas a licitación	Apartado a)	Apartado b)	Apartado c)	Apartado d)	Apartado e)	Total
	Ata 4 ptos	Ata 4 ptos	Ata 4 ptos	Ata 4 ptos	Ata 4 ptos	Ata 20 ptos
DISTRIBUCION ES SALRUBBER S.L.	2	2	0	4	0	8
TALLERES FONTÁN S.L.	2	4	2	4	0	12

Do presente informe dáselle traslado a Mesa de contratación para que a vista de este, e en virtude das súas competencias, proceda a continuación do expediente ou solicite novos informes técnicos segundo considere oportuno.

Vigo a data da sinatura dixital

O xefe de coordinación e mantemento de viais

Alfonso Berros Pérez

CONFORME





Infraestruturas

O xefe do servizo de Vías e Obras e

Jerónimo Centrón Castaños

